

cidio etiam directe voluntario contracta dispensare, etiamsi delinquens ratione illius jam sit judicialiter delatus, et citatus; si litis contestatio facta non est, et ceteroquin crimen adhuc non est notorium, sed occultum modo supra a n. 229 declarato.

234. *Qua litis contestatione facta episcopus adhuc dispensare posse saltem post item finitam, volunt aliqui.* — Volunt quidem non nulli; ut Sanchez, lib. II, *Moral.* cap. xi, n. 2; Layman, lib. I, tr. III, p. 5, cap. IX, n. 5. Diana, et alii, posse episcopum, et regularem superiorem, ut supra, dispensare etiam post litis contestationem, postquam nempe lis in judicio jam finita, et delinquens ob delictum punitus est; eo quod finis, ob quem S. synodus prohibuit episcopis, ne delicto ad forum contentiosum jam deducto dispensent, jam sit obtentus, ne videlicet curiae super delicto jamjam cognoscantis auctoritas minueretur, et satisfactio congrua impediatur.

235. *Sed contrarium probabilius est.* — Verum quia, si concilium Tridentinum, sess. 24, *de Reform.* cap. vi, non tantum prohibuit dispensationem, si homicidium ad forum contentiosum jam est deductum, sed etiamsi illud jam est notorium et publicum; homicidium autem, de quo in foro contentioso jam cognitum, et sententia lata fuit, sit et maneat publicum ac notorium notorietae juris etiam, post finitum judicium, hanc dispensandi potestatem merito negant Garcias, p. 7, *de Benefic.* cap. XI, n. 50; Gutierrez, *Can. quest.* lib. I, cap. III, n. 10; Barbosa, loc. cit. n. 35; Castro Palao, *de Censuris*, disp. 6, pun. 7, n. 13; Bonacina, disp. 7, q. 5, pun. 4, n. 6, pro qua opinionem citatur etiam declaratio cardinalium.

TITULUS XIII.

De torneamentis.

1. *Ratio ordinis.* — Ad vitanda homicidia prohibuit Ecclesia frequentiores eorum causas, cuiusmodi sunt torneamenta, duella, et ars sagittaria. De quibus proin post titulum de homicidio in praesenti, et duobus

sequentibus rubricis recto ordine agit juris compilator.

2. *Torneamenta, quid?* — Quæritur itaque ad propositum præsentis rubricæ quid, quotuplia, quibus, et sub qua pena prohibita sint torneamenta? Resp. I. Torneamenta (Germanice Turnier) sunt nundinae seu feriae, et hastiludia, seu pugnae solemnies equestres, quibus milites, vel, ut præteritis seculis frequentius fieri solebat, nobiles equestres ex condicto convenire, et ad ostensionem virium, animositatique et peritiæ tractandorum armorum congregari solent. Ita in substantia describuntur c. 1, h. t. et notant ibidem doctores.

3 et 4. *Fieri possunt cum et sine periculo vitae.* — Resp. II. Hujusmodi torneamenta duplia sunt, vel potius dupli modo fieri possunt. Primo temere, et cum ordinarie adjuncto mortis periculo, quando nempe ad invicem congregientes, hastis acutas cuspides præfixas habentibus, aliisque armis ad vulnerandum præparatis utuntur.

Secundo modo sine temeritate, et mortis periculo; dum videlicet congregientes ad invicem debitam cautelam, vel arma hebetata, hastasque sine cuspidi adhibent, vel loricas, et galeis secure ita muniti comparent, ut omne periculum vitae absit; vel denique hastis et armis non se invicem, sed suppositas figuræ petunt.

5. *Priori modo sunt prohibita.* — Resp. III. Quamvis torneamenta priori modo descripia veteri jure civili permitta videantur; arg. I. *Qua actione, 7, § 4, ff. ad Leg. Aquil.* et I. *Solent, 2, ff. de Aleat.* tamen jure novo codicis, et præcipue jure canonico gravissime sunt prohibita. Jure civili quidem I. un. c. *de Gladiat.* Jure canonico c. 1 et 2, h. t. Ratio adjungitur cit. c. 1, h. t. quia inde mortes hominum, et animarum pericula sœpe proveniunt; unde etiam detestabiles ibidem vocantur.

6. *Et quidem sub pena homicidii officiente occidentem, et privationis sepulturæ ecclesiastice officiente occisum.* — Resp. IV. Pœna in hujusmodi torneamentis pugnantium est, quod, qui in illis aliquem occidit, veri homicidii et pœnarum illius utroque jure statutarum reus sit, prout post Hostiensem, in *Summa*, h. i. n. 3, bene observat Pirning, h. t. n. 2. Ille vero, qui occiditur, licet ei ante obitum sacramenta Ecclesiae non negentur, ecclesiastica sepultura carere debet, textu expresso cit. c. 1, h. t. ibi :

« Quod, si quis eorum ibi mortuus fuerit, quamvis ei poscenti pœnitentia non negetur, ecclesiastica tamen caret sepultura. » Intellige, si animo ibidem pugnandi accesserit; illi enim, qui ex alio etiam curiositatis fine illuc existunt, et spectatores agunt, ecclesiastica sepultura non privantur, si casu ibidem intereant, textu claro c. 2, h. t.

7. *Posteriori autem modo sunt licita, et consueta laicis.* — Resp. V. Licet etiam posterior torneamentorum modus n. 4 delatus, olim a Clemente V, in concilio Viennensi per Constitutionem, quæ incipit *Passiones*, sub excommunicationis et aliis gravibus pœnis fuerint prohibita ex eo, quod nobiles ad illa se preparantes immodos pro splendore et apparatu fecerint sumptus, indeque a dando subсидio terræ sanctæ inhabiles fuerint redditii, uti observat Gonzalez, in cit. c. 2, h. t. n. 7. Dictam tamen constitutionem, pœnasque in illa contentas, ad instantiam regis Galliæ, et Germaniæ principum, ac magnatum revocavit Joannes XXII, *In Extravag. un. h. t.*

8. Hinc torneamenta, et hastiludia posteriori modo accepta, quæ nostris temporibus in principum nativitate, inauguratione, nuptiis, etc. passim fieri solent, nec culpæ, nec pœnæ subjacent respectu laicorum, etsi per accidens, ac præter opinionem homicidium alicuius sequatur, ut colligitur ex textu cit. *Extravag. Joannis XXII*, un. h. t. et bene observat Navarrus, *Manual. cap. xv.* n. 9 et 21; Abbas, in c. 1, h. t. et ibi Barbosa, n. 2; Gonzalez, in c. 1, h. t. n. 6, et alii. Ratio est, quia haec torneamenta ex se nullum vitæ periculum adjunctum habent; et prorsus per accidens est, si mors ex eis sequatur.

9. *Non item clericis.* — Dicitur tamen notanter respectu laicorum, quia clericis utroque modo accepta prohibita sunt torneamenta. Gonzalez, loc. cit. n. 8, et seqq.; Sylvester, ¶. *Ludus et torneamenta;* Clarus, § *Ludus;* Tuschus, ¶. *Ludus,* concl. 456, et alii, id propter res ex variis conciliis, ut Heribolensi celebrato tempore Honorii IV, ubi can. 4, ita statuitur : « Hastiludia, et torneamenta clericis, qui sunt in dignitatibus, personatibus, et sacris ordinibus constituti, hoc edicto perpetuo sibi noverint interdicta. » Similis prohibitio, et quidem sub anathemate facta est in concilio Salisburgensi sub Martino IV. (ADNOTATIO XXIV.)

TITULUS XIV.

De clericis pugnantibus in duello.

1. *Duellum, quid?* — Quæritur I. Quid, et quotuplex sit duellum? Resp. I. Duellum sic dictum, quasi duorum bellum vel certamen in sensu hujus Rubricæ recte definitur dicens: Duellum est singularis pugna duorum inter se ex condicto suscepta. Ita in re communis. Quod duellum grece monomachia vocatur, can. *Monomachiam.* 22, c. 2, q. 5.

2. *Aliud est solemnne.* — Resp. II. Duellum ita definitum principaliter dividitur in solemnne, et privatum. Solemne est, quod fit servata certa forma, et solemnitate circa tempus et locum securitatis privilegio præditum (quod campum francum communiter appellant) adhibitus etiam testibus, seu patrinis, quos secundantes vocant.

3. *Aliud privatum.* — Privatum est, quod quidem etiam ex condicto, statutoque tempore et loco absque aliis tamen solemnitatibus circa securitatem loci, et patrinis adhibitis fit, uti cum aliis notat Desselius ad hanc rubricam.

4. *Utrumque est prohibitum.* — Quæritur II. An, et sub quibus poenis prohibitum sit duellum. Resp. I. Regulariter loquendo duellum utroque modo acceptum jure divino et humano tam civili, quam ecclesiastico sub poenis gravissimis est prohibitum. Communis et certa I. un. c. *de Gladiat.* can. *Monomachiam.* 22, c. 2, q. 5, et concilium Tridentinum sess. 25, *de Reform.* cap. xix, ibi: Detestabilis duellorum usus fabricante diabolico introductus, ut cruenta, corporum morte, animarum etiam perniciem lucretur, ex christianorum orbe penitus exterminetur, imperator, reges, duces, principes, marchiones, comites, et quoconque alio nomine domini temporales, qui locum ad monomachiam in terris suis inter Christianos concesserint, eo ipso sint excommunicati, ac jurisdictione, et dominio civitatis, castri, aut loci, in quo, vel apud quem duellum fieri permiserint, quod ab Ecclesia obtinent, privati intelligentur: et si feudales sint, directis dominis statim acquirantur. Qui vero pugnam commiserint, et qui eorum patrini vocantur, excommunicationis, ac omnium